


Samfala pipol akt difren onlaen kompearem nao lo ril laef. Oketa fil osem oketa strong en save talem samting nogud en talem samting wea bae mekem man fil sore lo hem wea oketa no save talem lo feis blo narawan.

Rispektim oketa narawan lo digital wol bae hem no isi winim na lo ril wol, bikos evri infomeson umi lukim bae save helpem umi hem nomoa lo dea.

lumi hat fo luk lo ae blo narawan, fo herem saun blo vois blo oketa, fo lukim na feis blo oketa or save if oketa hapi, kros, intrest or boaring.

Bikos wanem umi talem bae hem isi fo no minim, umi mas waka hat en keaful taem toktok wetem pipol onlaen.



Rispekt en akseptem difrensis

Hem impoten fo rispekt en akseptem difrensis – Evriwan no semsem; samfala kam from difren pleis, garem difren chech en kastom, en tok difren langus.


Taem yu tek kea en bildim gudfala konekson wea hem waka gud, hem ya bae help fo mekem na onlaen komuniti wea bae save herehere, en minim en mekem samting tukeda.

Hao nao fo mi toktok wetem rispekt?

1. Yu mas save dat behaen evri komputa yia hem samwan semsem osem yu. Evriwan hem impoten, so tritim oketa osem hao yu laekem oketa fo tritim yu.
2. lu mas tingting en akseptim difrensis blo oketa nara pipol. yu mas wei gud go lo oketa en save hao oketa fil en save lo wea oketa kam from.
3. Yu mas andastanim fest taem bifo yu toktok: askem yu seleva if yu garem evri infomeson befo yu tok baek.

I Am Digital

Ting ting abaotim



“Mi ting ting bifo me searem”

Rispekt



“Mi tritim oketa narawan osem hao mi likem oketa tritim mi”

Akt



“Mi tek kontrol lo seif en sekiua onlaen praktis”